

Zbirka medijskih objava

Vlada Brčko Distrikta_kliping_dnevno,
za razdoblje 29. 12. 2019

Broj objava: 2

Internet: 1

Štampa: 1

Teme praćenja:

Vlada Brčko Distrikta: 0

Gradonačelnik ...: 0

Skupština Brčko ...: 0

Brčko: 2

Brčko:

Internet	Naslov	Jasmin Imamović: Tuzla je sve ljepša i snažnija, stvorili smo uslove za velike investicije		
Serijski br. 1	Medij; Doseg	Klix.ba; 1.110, Bosna i Hercegovina		
	Rubrika, Datum	Ostalo; 29. 12. 2019		
Stranica u zbirci: 5	Autor	Armin Kendić		
	Teme	Brčko		

Štampa	Naslov	Dilali drogu u Brčkom		
Serijski br. 2	Medij; Doseg	Oslobođenje; , Bosna i Hercegovina	Stranica: 15	Površina: 113 cm ²
	Rubrika, Datum	Crna hronika; 29. 12. 2019		
Stranica u zbirci: 6	Autor	A.B.Čavar		
	Teme	Brčko		



Jasmin Imamović: Tuzla je sve ljepša i snažnija, stvorili smo uslove za velike investicije

Iako je 2019. godina bila teška gradonačelnik Tuzle Jasmin Imamović zadovoljan je postignutim rezultatima. Realizirane su brojne aktivnosti, udovoljeno je zahtjevima građana, nastavljen je razvoj turizma, a planirani projekti u 2020. preduvjet su da grad soli postane još ljepše i ugodnije mjesto za život.

Iako je 2019. godina bila teška gradonačelnik Tuzle Jasmin Imamović zadovoljan je postignutim rezultatima. Realizirane su brojne aktivnosti, udovoljeno je zahtjevima građana, nastavljen je razvoj turizma, a planirani projekti u 2020. preduvjet su da grad soli postane još ljepše i ugodnije mjesto za život.

Uz godišnji rezime rada s gradonačelnikom Tuzle razgovarali smo i o planovima za naredni period, odnosno značajnim projektima koji će biti realizirani u 2020., stanju unutar Socijaldemokratske partije Bosne i Hercegovine (SDPBiH) čiji je istaknuti član, položaju bh. ljevice, a postavili smo mu i pitanje da li će se ponovo kandidirati na predstojećim lokalnim izborima.

U razgovoru za Klix.ba gradonačelnik Tuzle Jasmin Imamović je kazao da se ovaj grad nalazi u ambijentu koji zahtijeva neprekidni rad, trud i borbu. Često izbjaju problemi koje ranije nije bilo moguće predvidjeti, ali na to je, kako kaže navikao, naglasivši da ima sjajan tim saradnika koji se može nositi sa svim izazovima.

"Bez obzira na sve prepreke koje smo morali savladati, Tuzla je sve ljepša i snažnija. Naprinjer, nama je za usvajanje budžeta za 2020. godinu bilo potrebno 16 glasova. Moj prijedlog budžeta podržalo je 26 vijećnika, niko nije bio protiv, a četiri vijećnika su bila suzdržana. Zahvalan sam svim vijećnicima koji su podržali prijedlog budžeta. Tu sjednicu sam doživio kao trijumf jedinstva različitosti", kazao je Imamović na početku razgovora za Klix.ba.

Prvi u državi po broju privrednih subjekata

Iako je 2019. bila teška prvi čovjek Tuzle zadovoljan je postignutim rezultatima. Kako je kazao, po broju poslovnih subjekata u 2019. godini Tuzla je izmila na prvo mjesto u državi.

"Imamo 9.460 privrednih subjekata, više od bilo kojeg grada ili općine u Bosni i Hercegovini. Stvorili smo uvjete za realizaciju velikog broja investicija, svjedoci ste istine da je u Tuzli u ovoj godini dovršena i započeta gradnja veoma velikog broja stambeno-poslovnih i poslovnih objekata. Ponovo smo postali veliko gradilište. Za gradnju jednog objekta angažuje se više od 50 malih i srednjih preduzeća, pa je intenzivna gradnja važan faktor razvoja", kaže Imamović.

Na području Tuzle trenutno je u toku realizacija projekta dugoročnog vodosnabdijevanja grada do 2035. godine vrijednog 25 miliona KM. Radi se o finansijskim sredstvima Švicarske, Njemačke i Austrije, od čega je 50 posto grant, a sve se odvija

dinamikom koju je gradski vodovod planirao zajedno sa inozemnim partnerima.

"U toku je širenje mreže toplifikacije u naseljima Batva i Brčanska Malta, u Kuli je priključen još jedan krak na daljinsko grijanje, nabavljeno je nekoliko desetina podstanica za Šićki Brod i Bukinje, realiziramo poticaje za ugradnju toplotnih pumpi, kako bismo eliminisali što više peći na fosilna goriva, završili smo kružni tok kod Tenisa, rekonstrukciju saobraćajnice od Solane do Irca, uloženo je više od 400.000 KM za trotoare, parkinge i druge prostore po većim gradskim četvrtima, završeno je preko 30 putnih pravaca širom Tuzle, završena je kanalizacija u Fočanskoj ulici i u toku je rad na kanalizaciji u naseljima Pekmezije i Mala Solina", ističe Imamović rezultate rada u 2019. godini.

Skoro svi zahtjevi građana vezani za javnu rasvjetu su riješeni, a pri kraju je i projekat regulacije rijeke Jale u Slavinovićima. Imamović kaže da su riješili i imovinsko-pravne probleme u poslovnoj zoni Kreka Sjever, a oglaš za lokacije na kojima će biti fabrike je u toku.

"Dovršavamo šestu fazu BIT centra, najboljeg tehnološkog parka u BiH, koji je naše javno preduzeće, podržali smo 405 poljoprivrednih gazdinstava, vodili smo adekvatnu socijalnu politiku, dovršavamo Strategiju za osobe treće životne dobi, a već imamo Strategiju za mlade, i još mnogo toga", ponosno ističe Imamović.

Stvaraju uslove za investicije

Tuzla iz godine u godinu postaje sve ljepša i privlačnija kako lokalnom stanovništvu, ali i gostima koji dolaze u ovaj grad. Imamović kaže da vrijednim radom na urbanističkoj regulativi u službama za prostorno uređenje, Zavodu za urbanizam, imovinskoj i drugim službama, stvaraju uslove za što veći broj investicija.

"Pošto smo napravili veliki zaokret ka razvoju turizma, obasuti smo zahtjevima za rekonstrukcije postojećih zgrada i gradnju novih hotela. Prije gradnje slanih jezera imali smo dva ili tri hotela, a sada imamo na desetine hotela, motela i hostela. Već su podneseni zahtjevi za gradnju nekoliko većih i manjih hotela. Najznačajniji je zahtjev za kompleks Crystalico, što je investicija vrijedna okvirmu milijardu KM. Nastavljamo sa gradnjom komunalne infrastrukture, sa spomenutim projektom dugoročnog vodosnabdijevanja, projektima kanalizacije, regulacije vodotoka, toplifikacije i ugradnje toplotnih pumpi", navodi Imamović.

Kako ističe, Tuzla već sad ima skoro 60 posto građana koji su priključeni na sistem daljinskog grijanja, a cilj im je da na ovoj mreži ili na toplotnim pumpama imaju daleko veći procenat domaćinstava.

"Iduće godine ćemo graditi i gradsko groblje, sanaciju i rekonstrukciju više parkova, regulaciju Jale, Soline, gradnju prostora za mjesne zajednice, sanirat ćemo i rekonstruisati ulicu Mirze Delibašića do raskrsnice sa južnom saobraćajnicom, semaforizaciju Solane i Paša Bunara, sanirat ćemo Fočansku ulicu, ulicu Šabana Zahirovića i druge. Kada je u pitanju toplifikacija, nastavljamo sa mjesnim zajednicama Tušanj i Solana, a imat ćemo dosta projekata vezanih za utopljavanje zgrada i energetska efikasnost", dodaje Imamović.

Loša putna infrastruktura predstavlja jednu od kočnica značajnijeg privrednog razvoja tuzlanske regije. Prvi čovjek Tuzle kaže da je ovom gradu potreban Y krak, odnosno autoput Orašje-Brčko-Tuzla-Žepče, u sklopu autoputa Sarajevo-Beograd.

"Potrebna nam je i pruga Sarajevo – Tuzla. Kada se to ostvari, uz planirano širenje i razvoj aerodroma, Tuzla će cijelu BiH povući naprijed. Tuzla je centar najmnogoljudnijeg dijela BiH", navodi Imamović.

Problem s kojim se Tuzla susreće protekle dvije godine definitivno su migranti, a Imamović kaže da ga je moguće riješiti zatvaranjem granica na način na koji su to uradile države Evropske unije.

"Migranti unutar BiH trebali bi biti ravnomjerno raspoređeni i to po manjim mjestima, a ne po urbanim razvojnim centrima. Tako je to uradila Njemačka, tako je radila i susjedna Srbija", navodi Imamović.

O stanju u SDP-u

S druge strane, javnosti je poznato da je Imamović jedan od istaknutijih članova Socijaldemokratske partije Bosne i Hercegovine (SDPBiH). Godina na izmaku zasigurno će ostati upamćena i po formiranju vlasti u Tuzlanskom kantonu, što je, između ostalog dovelo i do raskola u SDP-u. Nekoliko članova iz Tuzle je isključeno iz SDP-a zbog pokušaja formiranja vlasti sa SDA, a grupa njih je odlučila formirati novu stranku Socijaldemokrati BiH koju predvodi Enver Bijedić.

"Da li bi vama bilo logično da naprimjer SDP Hrvatske uđe u koaliciju sa HDZ-om Hrvatske? Vjerujem da bismo svi to

smatrali nelogičnim i nemogućim. Tako i ja smatram da SDP BiH, ne treba da se udružuje sa SDA-om BiH. Ovdje u TK, HDZ i SNSD nisu aktuelni. Po mom mišljenju su ljudi koji su se pridružili SDA-u, prešli sa lijeva na desno i vremenom će se sa desnicom stopiti i u njoj istopiti", smatra Imamović.

Određeni članovi tuzlanskog SDP-a naknadno su se odlučili priključiti Bijedićevom taboru i napustiti SDP. Među njima je i sada već bivši predsjednik Gradskog vijeća Tuzle Aleksandar Vujadinović. Imamović je mišljenja da su pogriješili svi oni koji su napustili SDP, a govoreći o trenutnom stanju u tuzlanskom ogranku stranke kazao je da je riječ o snažnoj organizaciji sa više hiljada članova.

"Izdaja nekih bivših članova zbila je redove u gradskoj organizaciji SDP-a. Nekada smo u kantonalnoj organizaciji imali ljude sa kojima se niti oko jednoga pitanja nismo slagali, a sada u kantonalnom SDP-u imamo istinske drugarice, drugove i prijatelje. Danas je SDP Tuzle neuporedivo jači nego što je bio prije isključenja nekih ljudi. Isto je i sa SDP-om BiH. Nismo iznevjerili birače i ljudi nam zato vjeruju i ljudi nam zato, u posljednjih dva mjeseca, masovno pristupaju", nastavlja Imamović.


Na naše pitanje kakvim ocjenjuje trenutni položaj bh. ljevice, u kojem smjeru ona ide te šta je potrebno uraditi kako bi se trenutno stanje promijenilo, Imamović je kazao prije svega da su neki koji su se predstavljali ljevičarima otišli sa desnicom. Naglasio je da se danas snaga ljevice mjeri snagom SDP-a BiH, oko kojeg će se, kao oko centra kristalizacije, okupljati sve lijeve snage našeg društva.

Imamović je imao odgovor i na pitanje kako povratiti povjerenje građana u političare koje je u znatnoj mjeri poljuljano, kazavši da kada bi imao moć nametnuo bi zakon o ispitivanju porijekla imovine, kao i da uz to postoji niz drugih potrebnih zakonskih rješenja.

Iduće godine nas očekuju lokalni izbori, a prvi čovjek Tuzle ističe da je još uvijek preuranjeno pitanje o tome da li će se ponovo kandidirati za gradonačelnika.

Ukoliko se ne bude kandidirao za gradonačelnika Tuzle na kraju našeg razgovora zanimalo nas je i to na koji način će nastaviti svoje profesionalno djelovanje.

"Imam bogatu pravničku praksu i dobre rezultate u svom zanatu. Mnogo je poslova koje bih kao pravnik rado obavljao. Osim toga, ja sam i pisac", kazao je gradonačelnik Tuzle na kraju razgovora za Klix.ba.



Optuženi su uhapšeni u akciji Cer

Dilali drogu u Brčkom

Danijel Šabanović, Nihad Hukić, Zlatko Muratović, Amra Begić, Bahrija Fazlović i Selma Huremović optuženi su da su zajedno, putem organizovane grupe ili pojedinačno vršili nezakonitu proizvodnju, nabavku, prodaju, držanje radi prodaje, posredovanja u prodaji ili omogućavanja uživanja opojnih droga na području Brčko distrikta u posljednjih godinu dana. Kako navode u brčanskom Tužilaštvu, Šabanoviću, Hukiću, Muratoviću i Begić stavljeno je na teret da su nabavku i prodaju marihuane i spida vršili putem organizirane grupe, kojom je rukovodio prvooptuženi Šabanović tako što je posredstvom Muratovića nabavljao drogu

na područje distrikta, gdje su je ostali članovi prenosili i prodavali.

Podsjetimo, veća količina marihuane i amfetamina pronađena je u septembru u akciji Cer. Prilikom pretresa više osoba, objekata i vozila koje koriste, zajedno sa sredstvima za precizno vaganje i pakovanje, pronađen je novac od prodaje droge te automatsko oružje. Oni su nakon provedene istrage optuženi za krivično djelo neovlaštena proizvodnja i stavljanje u promet opojnih droga s propisanom kaznom zatvora u trajanju od najmanje tri godine. Optužnicu je potvrdio Osnovni sud Brčko distrikta, gdje će se optuženi uskoro izjasniti o krivici.

A. B. Ć.